

Per persunas d'instrucziun, mainascolas e cussegls da scola



Nr. 5 2018/19

Part generala

Survista PI21 GR

Per realisar il PI21 GR ha il departament d'educaziun, cultura e protecziun da l'ambient installà ina gruppa accompagnaanta chantunala.

Per paler quest process sin basa da datas actualas organischa il inspecturat il matg/zercladur 2019 in inventari pertutgant la situaziun actuala en mintga scola tar la realisaziun dal PI21 GR sin la fin dal emprim onn da scola. En il rom da 120 sedutas quartalas cun mainascolas vegn tranter auter erù detagliadamain, sco las prescripziuns e recumandaziuns en il manual medias ed informatica èn implementadas. Sper divers aspects vegnan era eruids la moda e quantitat dal equipament ICT sin mintga stgalim e la colliaziun da la rait d'internet per lieu da scola. L'atun 2019 vegnan ils resultats approfondads culs mainascolas e cussegls da scola.

Med d'instrucziun informatica

Il mais d'avrigl 2019 ha la regenza decidì da translatar il med d'instrucziun inform@21 en sursilvan, puter e vallader sco era en rumantsch grischun e talian. Pli spert che quels meds stattan a disposiziun vegnan las scolas infurmadas.

[Communicaziun da la regenza](#)



Servetschs da messagi en scola

Ils rapports pertutgant l'utilisaziun da WhatsApp en scola sveglia per part grondas malsegirezza. Il feagl cun ils fatgs impurtants da educa.ch porscha ina survista cun ils aspects principals tar quella tematica.

[Fegl cun ils fatgs essenzials](#)



IPPI: Broschura ed adattaziun dal concept

L'inspecturat da scola ha dacurt surlavurà il concept per l'introducziun en la professiun per persunas d'instrucziun dal chantun Grischun (IPPI) che vegn applitgà cun success dapi il 2013 en la scola populara grischuna. Propostas per midadas u meglieraments davart las persunas d'instrucziun pertutgadas, menturas e menturs, mainascolas, servetsch psicologic, responsabels per il perfecziunament e mainacurs da la SAPGR èn vegnidadas resguardadas. La terza ediziun da la broschura cun fegl da lavur e material da communicaziun en ils trais linguatgs chantunals stat ussa a disposiziun per ils proxims trais onns da scola.

Il concept IPPI, stimà da tuttas varts, colliescha mintg'onn var 350 persunas e vegn era ad esser ils proxims trais onns ina preziosa purschida che pussibilitescha als principiants en l'emprim onn da scola in bun sustegn en la fasa da d'introducziun professiunala.

[Introducziun en la professiun \(IPPI\)](#)



Individualisaziun 3. classa sec I

En vista a la realisaziun dal rom individualisaziun en las terzas classas dal stgalim sec I sin l'onn da scola 2019/20 ha l'inspecturat organisà dacurt en ils districts set curs linguistic-regiunals da perfecziunament. Radund 500 personas d'instrucziun dal stgalim sec I han gî la pussaivladad da profundar la tematica e la realisaziun en la pratica cun Prof. Dr. U. Isler (PHZH) e ses team d'experts. Sco basa serva il manual individualisaziun 3. classas sec I.

Las scolas dal stgalim sec I han ussa la pussaivladad d'organisar in curs da perfecziunament intern a la scola (PSI) tar quella tematica.

[PSI individualisaziun sec I](#)



[Concept chantual](#)



Retschertga da la savida englais

En connex cun in perfecziunament intern da l'inspecturat da scola cun Prof. Dr. Urs Moser dal Institut per evaluaziuns da l'universitad da Turitg èn ils resultadas da la retschertga da la savida en englais da las 2. classas dal stgalim sec I vegnids discutads e l'inspecturat ha formulà enconuschientschas.

Sut il suandant link vegnan quellas messas a disposiziun a las scolas.

[Enconuschientschas retschertga englais](#)



Stadi intermediar talian primara

La gruppa accumpagnanta talian primara ha publictà il stadi intermediar il pli actual.

5avla classa – stadi intermediar entschatta matg:

Amici d'Italia 1, unità 1, pagina 17-21.

6avla classa - stadi intermediar entschatta matg:

Amici d'Italia 1, unità 4, pagina 55-60.

6avla classa – interfatscha tar stgalim sec I (fin onn da scola):

Tenor la glista dals meds d'instrucziun per l'onn da scola 2019/20 vala liantamain, che en la 6avla classa sto vegni tratta e terminà Amici d'Italia 1 enfin e cun unità 4.

En l'emprima classa dal stgalim sec I succeda il cumenzament en il proxim onn da scola cun unità 5.

[Talian primara](#)



[Glista meds d'instrucziun](#)



HfH COMPACT

La Scola auta interchantunala per pedagogia curativa Turitg (HfH) prepara sin in nova pagina web tematicas specificas pedagogic-curativas a moda cumpacta e multimediala. La purschida dat ina buna survista tar diversas tematicas.

Actual: disturbis dal spectrum da l'autissem.

[HfH Compact](#)



Sport da scola voluntar

La partiziun sport da l'uffizi organisescha en il rom dal sport da scola voluntar diversas purschidas sco perfecziunaments u champs da sport per uffants e juvenils. Ina survista da las purschidas sco era d'abunar il newsletter chattais sin la correspondentia pagina web da l'uffizi.

[Sport da sola voluntar](#)



Cun amicabels salids

Andrea Caviezel, manader inspecturat grischun

Part regionala

Introducziun personas d'instrucziun (IPPI)

Termin/Lieu: mesemna, 14 d'avust 2019, 13.30 – 17.30, a Cuira, scola Giacometti

Nus supplitgain las direcziuns da scola resp. ils presidis da communitgar quel termin a las nov engaschadas personas d'instrucziun. Ils participants vegnan, suenter che nus vain enconuschientscha da las datas personalas, envidads da l'inspecturat.

Termin evaluaziuns onn da scola 2019/20

Per plaschair guardar qua.



Grazia!

Nus engraziain a mintga scola per la lavur prestada e per la buna collavuraziun durant l'onn da scola actual.

In engraziament spezial drizzainsa a las personas che bandunan la scola, a tut las personas d'instrucziun che van en la meritada pensiun, a tut las personas d'instrucziun che sortan per auters motivs sco era a tut ils cussegls da scola che han accumpilì lur mandat. A tuts che partan e che restan giavischaints bellas vacanzas da stad e buna recreaziun.

E per la fin anc quai ...

Sco gia enconuschent a tuts vom jau la fin da quest onn da scola en pensiun. Jau fatsch quai mo cun eglis rients e jau engraziel qua tras a tuts cumpigliads cun la scola per la stupenta e stimada collavuraziun per in buna scola ils davos 19 onns. Adia ed a bun ans vesair tar in'otra occasiun!

Pauli Dosch,

manader inspecturat districtual Plessur-Grischun central

mes stima team inspectural cun

Christina Nigg, Daniela Zanelli,

Elisabeth Caluori, Jachen Andri Buchli



